

## **Nuutsbreef , augustus 2020**

*Bèste Veldeke minse,*

### **1. Lang genóg thoes: w'r gaon weer beginne!**

't Is weer mäögeliik – mit allerlei aanpassinge – activiteite te organisere. Det gaon w'r den ouch doon. Allein waat veilig kan en daobie raekentj 't bestuur weer op eur aanwezigheid en mitwèrking. De activiteite zulle anges van opzèt zeen, doordet w'r wujer van ein aaf zitte. Ouch is 't nuuedig det w'r vääraaf wete waem wiltj kómme. Mer mit get aanpasse, weurtj 't vas weer good bie Veldeke.

### **2. Weer nao de film.**

Op 16 september höbbe w'r weer 'n film in de Royal Servicebioscoop. De film "'t Galgenven" is 'n Limburgstalige film, die zich in dees ómgaeving aafspeeltj en die algemeen beoordeildj weurtj es 'n sjoan film.

In verbandj mit de angerhalve maeter bepaoling kan de vlaai neet vääraaf in de foyer. Die krigtj g'r in de zaal, wo g'r zitj. (Ech)pare kónne naeve ein zitte; angere apaart. Den kènne zoaget 60 minse in de zaal. **Opgaeve vääraaf is verplich en geit vanzelf door te betale: 8 euro p.p.** op raekeningnummer VKE: NL 65 RABO 0138 6319 64 en mit opgave van 't lejenummer. Gaeftj g'r op vääor mieë leje tegeliik, den estebleef ouch die lejennummers doorgave. De 8 euro zeen vääor de film + de kóffie mit vlaai vääraaf. Daoróm waertj g'r óm uterlik 18.30 oer verwachtj. Direct doorloupe nao de filmzaal estebleef. De film begintj óm 19.00 oer.

### **3. Prissentatie beukske "Poëziewanjelinge".**

't Beukske mit foto's en de gedichte van de 5 poëziewanjelinge van de aafgeloupe jaore is klaar. En zeker de meujte waerd óm te höbbe. Haopelik höbtj g'r allemaol aan de vääorinsjrieving mitgedaon en 'n exemplaar gereserveerdj. **Op zaoterdig 26 september óm 16.00 oer haoje w'r in de zaal van 't Cultuurhoes 'n bie-einkóms wobie w'r 't beukske zulle prissentere.** De ieëste exemplare waere aangebaoje aan wèthaojer Marjan Bruijsten van Ech-Zöstere, aan de fotograaf Geert Janssen, aan de deilnummers van de Sjrieverkrink Midde-Limburg en aan de heemvereniging womit w'r de wanjelinge in Zöstere, Staeveswaert en De Nuusjtadt höbbe kènne organisere. Vääor mieë man is jaomer genóg gein plaats in de zaal.

Hóbtj geer 'n beukske gereserveerdj den kèntj g'r det dae middig, aansloetendj, óm 17.00 oer, kómme aafhaole. Vanaaf daensdig 29 september is 't beukske op versjillendje plaatse te koup vääor 12,50 per ex.

### **4. Minsekinder.**

De Limburgstalige meziekgroep "Minsekinder" oet Venloa stóng nog op oos lieske vääor 'n café chantant, zoa es w'r eerder waal èns georganiseerdj höbbe. De groep kömtj noe bönnekort nao Ech vääor 'n straotconcert! Det is mäögelik gewore door 'n samewèrking van 't Kultkefee en Dolcino. Op zóndigmiddig 6 september, oppe Groate Straot ter huuegte van v/h Stoba. Ouch hievääor is opgave mit naam en betale vääraaf nuuedig, mer neet via Veldeke. Laesj bie interesse 't Waekblaad.

*Tót weer bie Veldeke!*

*Ton van Wegberg, vääorzitter*